



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 01-16-3-478-6/24

Srebrenica, 22.04.2024. godine

Na osnovu člana 69. stav (2) tačka d) i člana 70. stav (1) Zakona o javnim nabavkama („Službeni glasnik BiH“ broj 39/14 i 59/22), i prijedloga Komisije za javne nabavke konstatovane u Zapisniku o pregledu i ocjeni ponuda u otvorenom postupku za dostavljanje ponuda, broj: 01-16-3-478-5/24 od 15.04.2024. godine, predsjedavajući Upravnog odbora Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, d o n o s i

### **O D L U K U**

#### **o poništenju postupka javne nabavke robe: "Nabavka proizvoda za čišćenje nišana"**

Poništava se otvoreni postupak javne nabavke robe: "Nabavka proizvoda za čišćenje nišana" za koji je objavljeno Obavještenje o nabavci broj: 1348-1-1-16-3-9/24 od 22.03.2024. godine na portalu javnih nabavki iz razloga što nijedna od primljenih ponuda nije prihvatljiva.

#### Član 2.

Za izvršenje ove Odluke zadužuje se Komisija za javne nabavke, a ova Odluka će se objaviti na web stranici Memorijalnog centra.

#### Član 3.

Ova Odluka stupa na snagu danom donošenja.

### **O b r a z l o ž e n j e**

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je, u skladu sa članom 25. Zakona o javnim nabavkama, pokrenuo otvoreni postupak za dostavljanje ponuda, broj: 01-16-3-478-2/24 od 22.03.2024. godine, za nabavku robe: „Nabavka proizvoda za čišćenje nišana“. Procijenjena vrijednost javne nabavke bez PDV-a iznosila je 80.000,00 KM.

Obavještenje o nabavci broj: 1348-1-1-16-3-9/24 od 22.03.2024. godine objavljeno je na Portalu javnih nabavki i u „Službenom glasniku BiH“, broj 22/24 od 29.03.2024. godine.

Komisija za javne nabavke imenovana je Rješenjem, broj: 01-16-3-197/24 od 27.01.2024. godine.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 12.04.2024. godine u 11,15 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, Potočari bb, Srebrenica, što je

konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da su ponude blagovremeno dostavila 2 (dva) ponuđača sa ponuđenim cijenama kako slijedi:

1. „DUGA-TEHNA“ d.o.o. Čitluk sa cijenom od 68.231,52 KM bez PDV-a i 15 % popusta;
2. „GOLD MIGNON“ d.o.o. Sarajevo sa cijenom od 78.625,00 KM bez PDV-a i bez popusta;

Na javnom otvaranju ponuda nije bilo prisutnih predstavnika ponuđača.

Dana 15.04.2024. godine, Komisija se ponovo sastala radi pregleda i ocjene dostavljenih ponuda, odnosno da bi utvrdila da li ponuđači ispunjavaju uslove iz člana 45. do 52. Zakona i da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije te da li ponuđene robe odgovaraju predmetu nabavke i tehničkim specifikacijama.

Nakon pregleda i ocjene ponude Komisija je konstatovala sljedeće:

1. Ponuđač „DUGA-TEHNA“ d.o.o. Čitluk nije ispunio minimalne uslove tehničke i profesionalne sposobnosti jer u svojoj ponudi nije dostavio originalne ili ovjerene kopije potvrda o izvršenim ugovorima, a što nije u skladu sa tačkom 15.3.2. tačka a) u kojoj je između ostalog zahtjevano da se potvrde o izvršenim ugovorima dostavljaju kao original ili ovjerene kopije. Također, ponuđač je dostavio kopiju dokaza da je proizvod „*silosanska vodoobojna zaštita za vanjsku i unutarnju upotrebu*“ (stavka 2. iz Obrasca za cijenu ponude TD) registrovan kod Ministarstva zdravlja i socijalne zaštite Republike Srpske, ali isti nije original ili ovjerena kopija, što nije u skladu sa tačkom 15.3.2. b) tačka 2) tenderske dokumentacije gdje je traženo da se „*Za svaki od proizvoda posebno dostavi original ili ovjerena kopija dokaza da je proizvod registrovan kod nadležnih tijela u BiH*“ te se iz navedenih razloga, a u skladu sa članom 68. stav (4) tačka i), ponuda ponuđača „DUGA-TEHNA“ d.o.o. Čitluk odbacuje kao neprihvatljiva.
2. Ponuđač „GOLD MIGNON“ d.o.o. Sarajevo također nije ispunio minimalne uslove tehničke i profesionalne sposobnosti jer u svojoj ponudi nije dostavio dokaze na način kako su traženi tenderskom dokumentacijom. Ponuđač za stavku 2. iz Obrasca za cijenu ponude nije dostavio Izjavu proizvođača o svojstvima propisana standardom EN 1054-2, što nije u skladu sa tačkom 15.3.2. b) tačka 3) tenderske dokumentacije. Ponuđač u Sadržaju ponude navodi da je ista sastavni dio Tehničkog lista za stavku 2, pri čemu se u tehničkom listu spominje Izjava proizvođača ali ista ne sadrži naziv proizvođača niti potpis ovlaštenih lica proizvođača. Dakle, navedena Izjava je u skladu sa zahtjevima iz TD tražena kao poseban dokument u odnosu na tehnički list i kao takva je bila obavezan i eliminatoran uslov za dokazivanje tehničke i profesionalne sposobnosti. Osim toga, u tehničkom listu ponuđenog sredstva stoji da „*beton nakon obrade može izgledati tamniji*“ što nije u skladu sa minimalnim tehničkim specifikacijama iz tenderske dokumentacije kojom je zahtjevano da sredstvo za zaštitu nišana „*ne smije mijenjati izgled tretirane površine.*“

Zbog svega navedenog, a u skladu sa članom 68. stav (4) tačka i), odbacuje se ponuda ponuđača „GOLD MIGNON“ d.o.o. Sarajevo kao neprihvatljiva.

Komisija je sačinila Zapisnik o pregledu i ocjeni ponuda, broj: 01-16-3-478-5/24 od 15.04.2024. godine, koji je sastavni dio ove Odluke i kao takav se dostavlja svim učesnicima u postupku javne nabavke.

Cijeneći prethodno navedeno, Komisija je jednoglasno dala prijedlog da se donese odluka o poništenju postupka javne nabavke na temelju odredbe člana 69. stav (2) tačka d) kojim je definisano da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

U postupku ocjene provedenog postupka, Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje prijedloga Komisije za provođenje postupka javne nabavke.

U skladu sa prednje navedenim, odlučeno je kao u dispozitivu.

**Pouka o pravnom lijeku:**

Protiv ove odluke može se izjaviti žalba Uredu za razmatranje žalbi putem Ugovornog organa. Žalba se izjavljuje Ugovornom organu u pisanoj formi u tri primjerka direktno na Protokol Ugovornog organa ili preporučenom poštom, a u roku od 10 (deset) dana od dana prijema ove Odluke.

  
Predsjedavajući Upravnog odbora  
Hamdija Fejzić

Dostavljeno:

1. DUGA-TEHNA d.o.o. Čitluk
2. GOLD MIGNON d.o.o. Sarajevo
3. U predmet;
4. A/a.

Prilog:

- Zapisnik o pregledu i ocjeni ponuda, broj: 01-16-3-478-5/24 od 15.04.2024. godine